

05 OCTOMBRIE

RUGACIUNEA

SF.CUVIOS

GRIGORIE DE LA KANTA GEORGIEI

სავედრებელი ლოცვა

ჰ, ნათელ-ცისკროვნო ვარსკულავო უდაბნოდსაო,
განმანათლებელო ივერთა მიწა-წყლისაო და ყოველთა
მკვდრთა მისთაო, ზეცით მონიჭებულო სიმტკიცეო
მართლმადიდებელთაო და დიდო არქიმანდრიტო
კლარჯეთისა სავანეთაო, თანამზრახულო და
მოდასეო ანგელოზთაო და წინამძღუარო
მონაზონთაო, მამათა სიქადულო, მთავართა დიდებო
და მკედართა ძლიერებო, კელმწიფეთა
თუალუხვავად მამხილებელო და კუერთხითა
სწავლისაჲთა განმსწავლელო, მრავალთა სასწაულთა
მოქმედო, ღირსო მამაო ჩუენო გრიგოლ ხანძთელო!

ჰ, ყოვლად ნეტარო მამაო და წმიდაო მოღუაწეო,
საკვრველთმოქმედო გრიგოლ ხანძთელო! სრულ-ჰყავ
რაჲ სრბაჲ შენი და მიიცუალე წინაშე ღმრთისა,
არაჲვე დაუტევენ ობლად მოწაფენი და მოსურნენი
თჳსნი, არამედ მამობრივითა მეოხებითა შენითა

მსწრაფლ შეეწევი სულთაგან არაწმიდათა
 შეპყრობილთა და ყოველთა მვედრებელთა შენთა
 მოსცემ ლხინებასა, გარნა აწ მთავარნი
 უსჯულოებისანი აღძრულ არიან ჩუენ ზედა და
 ილუწიან განხრწნასა და აღსპობასა ერისა ჩუენისასა,
 ხოლო ჩუენ ძილის დაკსნილებასა მივცემივართ და
 ვერცაღა ძალ-გვიძს წინა-აღდგომად მათთა. არამედ
 გუაქუს მეოხებად შენი ქრისტეს მიმართ, ღირს-გვყოს
 წინაღსწარ-მეტყუელებათა შენთა აღსრულებისა და
 მოგვცეს მეფე, სარწმუნოდ და მართალი,
 მმართველად და წინამძღურად, ვითარცა დავით
 ისრაელთა, რადთამცა კეთილად განაგებდეს და
 იურვოდეს ღმრთისმშობლის წილხვედრსა ერსა
 ჩუენსა, მტკრთველსა საუფლოდსა ჯუარისასა
 ქუეყანასა ზედა, და აღადგენდეს მამულისა ჩუენისა
 ერთობასა და აღამაღლებდეს ღირსებასა და
 ძლიერებასა ქუეყანისა და ნათასავისა ჩუენისასა.
 განაძლიერე მსახურებასა შინა უწმიდესი და
 უნეტარესი, სრულიად საქართველოდს კათალიკოს-
 პატრიარქი, მცხეთა-თბილისის მთავარეპისკოპოსი და
 ბიჭვინთისა და ცხუმ-აფხაზეთის მიტროპოლიტი,
 დიდი მეუფე, მამად ჩუენი ილია,
 ყოვლადსამღდელონი მიტროპოლიტნი,
 მთავარეპისკოპოსნი და ეპისკოპოსნი, პატი-ოსანნი
 მღდელნი, ქრისტეს მიერ დიაკონნი და ყოველნი

სამონაზვნო წესნი, ზიარნი მართლმადიდებელისა ეკლესიისანი, ხოლო კეთილისმყოფელნი ჩუენნი და ყოველნი მართლმადიდებელნი ქრისტეანენი დაიცვენ პატიოსნითა მეოხებითა შენითა.

ჟ, მწყემსო ჭეშმარიტო ქრისტეს სამწყსოთაო და დიდო წინამძღუარო მამათაო, ივერთა ეკლესიისა მნათობო და შესავედრებელო და ძალო სარწმუნოებითა შენდამი შევრდომილთაო, წმიდაო გრიგოლ ხანძთელო! შეგვეწიენ აღმოსლვად სიღრმეთაგან ცოდვათაჲსა და ღმობიერად ევედრე ღმერთსა, რადთა მოჰმადლოს ეკლესიათა დიდებაჲ, სამღდელოთა პატიოსნებაჲ, მთავართა კეთილად მწყსაჲ ერისაჲ, მკედართა მამაცობაჲ, ერისაგანთა უცოდველობაჲ, დედათა კრძალულებაჲ და შვილთა კეთილ-ზრდილობაჲ, ხოლო ჩუენ აღგვიდგინოს სიმართლის მოყუარებაჲ და მკნეობაჲ სულისაჲ, მრავალშვილიანობაჲ, ქვრივ-ობოლთა შეწყალებაჲ და ურთიერთთანადგომაჲ. მოგუანიჭოს სიწმიდით ცხოვრებისა სიყუარული, უჯეროთა საქმეთა სიძულვილი და გულისა შემუსრვლებაჲ, წმიდათა თანა გვრგვნოსნებაჲ და ცათა სასუფეველისა დამკვდრებაჲ, რადთა ჩუენცა შენ თანა ვადიდებდეთ მამასა და ძესა და წმიდასა სულსა, აჴ და მარადის, და უკუნითი უკუნისამდე, ამინ.